

ԻՆՉ Է ՊԵՏՔ ԻՄԱՆԱԼ ԱՊԱՍՏԱՆ ՀԱՅՑԵԼՈՒ ՄԱՍԻՆ ՏԵՂԵԿԱՏՎՈՒԹՅՈՒՆ ԱՆՈՒՂԵԿԻՑ ԵՐԵՒԱՆԵՐԻ ՀԱՄԱՐ



Գերմանիա
Ժամանել ենք՝
պաշտպանություն
հայցելու
նպատակով:

Մենք այստեղ ենք
առանց մեր
ծնողների
ուղեկցության:



Ողջույն:
Ես Լիզան եմ:
Ես այստեղ կպատմեմ ձեզ,
թե ինչպես դիմել ապաստան
ստանալու համար:
Ապաստանը, նաեւ անվանում են
միջազգային պաշտպանություն:

Ի՞նչ է միջազգային պաշտպանությունը:



Եթե դուք չեք կարող վերադառնալ ձեր հայրենիք՝ այնտեղ առկա վտանգի պատճառով, դուք կարող եք ստանալ միջազգային պաշտպանություն: Սա նշանակում է, որ կարող եք ապահով մնալ այն երկրում, որը ձեզ պաշտպանություն է տրամադրել:

Ձեր խնամակալը մանրամասն կբացատրի, թե ովքեր կարող են ստանալ միջազգային պաշտպանություն եւ ինչ ընթացակարգով է այն տրամադրվում:

Եվրոպայում «միջազգային պաշտպանություն» հասկացությունը հաճախ անվանում են նաեւ ապաստան, փախստականի կարգավիճակ կամ լրացուցիչ պաշտպանություն: Հավանաբար, դուք արդեն լսել եք «ապաստան» բառը: Հետագայում, խոսակցությունը պարզեցնելու համար, մենք կօգտագործենք հենց այդ բառը:

Հիշե՛ք, այժմ դուք ապահով եք:


Եվրոպայում բոլորին հավասար են վերաբերվում՝ անկախ նրանց ծագումից, դավանանքից կամ ռասայական պատկանելությունից:





Եվրոպայում 18 տարեկանից փոքր
յուրաքանչյուր ոք համարվում է
երեխա:

Որպես երեխա՝ դուք ունեք հատուկ
իրավունքներ: Ձեր անվտանգությունն
ու բարեկեցությունը շատ կարևոր
են:



Դուք կհանդիպեք տարբեր պաշտոնատար անձանց, մասնավորապես՝ ապաստանի հարցերով զբաղվող մարմինների ներկայացուցիչների հետ: Նրանք հարցեր կուղղեն ձեզ՝ ձեր անձնական տվյալների եւ դեպի Եվրոպա կատարած ճանապարհորդության վերաբերյալ:

Հարկ է հիշել, որ այդ պաշտոնյաների խնդիրն է ապահովել ձեր պաշտպանությունը եւ որոշում կայացնել՝ ելնելով ձեր լավագույն շահերից:

Դուք իրավունք ունեք ազատորեն հայտնելու ձեր կարծիքը, կարիքներն ու մտահոգությունները պատասխանատու անձանց հետ շփման ընթացքում:



Ո՞վ է խնամակալը:



Քանի որ դուք ժամանել եք առանց ձեր ծնողների, իրավասու մարմինները ձեզ համար կնշանակեն խնամակալ:
Խնամակալը չափահաս անձ է, որը պատասխանատու է
Եվրոպա առանց ուղեկցության ժամանած անչափահասների
համար եւ ցուցաբերում է նրանց անհրաժեշտ աջակցություն:

Խնամակալ կարող է նշանակվել ինչպես
տղամարդ, այնպես էլ կին: Խնամակալը
հանդիսանում է նաեւ անձի օրինական
ներկայացուցիչը: Խնամակալներ կարող են
լինել նաև երիտասարդների հարցերով
զբաղվող մարմինների աշխատակիցները:

Եթե դուք դեռ չեք հանդիպել ձեր
խնամակալին, հանդիպումը կկազմակերպվի
առաջին իսկ հնարավորության դեպքում:
Որոշ դեպքերում, մինչև մշտական
խնամակալի հետ հանդիպումը, իրավասու
մարմինները կարող են նշանակել
ժամանակավոր խնամակալ՝ ձեզ անհրաժեշտ
աջակցություն ցուցաբերելու նպատակով:






Ձեր խնամակալը ձեր կողքին է՝ օգնելու, բացատրելու եւ աջակցելու ձեզ: Նա կօգնի հասկանալ ձեր մնալու պայմանները, կբացատրի ընթացակարգերը, ձեր իրավունքներն ու պարտականությունները եւ ձեզ հետ կմասնակցի հանդիպումներին իշխանություններին հետ:

Դուք միշտ կարող եք խոսել ձեր խնամակալի հետ, կիսվել ձեր մտքերով, հարցեր տալ կամ ասել, եթե ինչ-որ բանի կարիք ունեք: Խնամակալը այստեղ է, որպեսզի դուք զգաք անվտանգ եւ պաշտպանված:



Եթե խնդիրներ ունեք ձեր խնամակալի հետ, տեղեկացրեք երիտասարդների կամ ապաստանի տրամադրման հարցերով զբաղվող մարմիններին: Դա բացասական հետեւանք չի ունենա ձեր ապաստանի դիմումի վրա:



Ի՞նչ աջակցություն կտրամադրվի
ընթացակարգի շրջանակներում:



Ապահով
վայր մնալու
համար



Կենցաղային
հագուստ



Անհրաժեշտ այլ
պարագաներ



Սնունդ



Կարող եք
դիմել բժշկի



Կհաճախեք
դպրոց:



Դուք կբնակվեք ձեզ հարմարավետ մի վայրում
և կստանաք ձեր տարիքին համապատասխան
ողջ անհրաժեշտ խնամքն ու աջակցությունը:

Ես ապաստան խնդրեցի, հիմա ի՞նչ կլինի:



Նախ, ձեր դիմումը պետք է գրանցվի եւ ներկայացվի:

Դիմումը գրանցելու և ներկայացնելու համար ձեր խնամակալը փախստականների հարցերով զբաղվող մարմնին ուղարկում է ձևաթուղթ: Այնուհետև, ձեզ նշանակում են օր, որին խնամակալի հետ միասին նույն օրը տալիս, գրանցում և ներկայացնում եք ապաստան հայցելու դիմումը: Ձեր դիմումը կգրանցվի եւ կներկայացվի նույն օրը:

Ձեր խնամակալը, ձեր ժամանակավոր խնամակալը կամ ձեր բնակության վայրում աշխատող մեծահասակները կտեղեկացնեն ձեզ օրվա և ժամի մասին, եւ ձեր խնամակալը ձեզ կուղեկցի իշխանություններին:

Ընթացակարգի ընթացքում ձեր խնամակալը ձեզ հետ կլինի:



Գրանցման եւ տեղավորման
ժամանակ ձեզանից
կպահանջվի կատարել
հետեւյալ քայլերը




Դուք պետք է պաշտոնատար
անձանց ներկայացնեք ձեզ մոտ
եղած անձը հաստատող բոլոր
փաստաթղթերը (օրինակ
անձնագիր, նույնականացման
քարտ եւ այլն):

Հնարավոր է ձեր եւ ձեր
անձնական իրերի զննություն:
Իշխանությունները կարող են
ժամանակավորապես պահել
ձեր իրերը: Վտանգավոր
առարկաներից բացի, մնացած
բոլոր իրերը հետագայում
կվերադարձվեն:



Ձեզ կլուսանկարեն:

Ձեր մատնահետքերը կվերցվեն:



դուք կարող եք
դիմել բժշկի

- պաշտոնյան ձեզ հարցեր
կտա ձեր, եւ
Եվրոպայում ձեր
ընտանիքի մասին
- լրացուցիչ
տեղեկություններ
կհավաքագրվեն. ձեր
կրոնական կամ ազգային
պատկանելության, այն
լեզուների մասին,
որոնցով խոսում եք, և
որոնք հասկանում եք, և
ինչ դպրոց/ներ եք
հաճախել

Պաշտոնյան
կլիների ձեզ
տրամադրել ձեր
կոնտակտային
տվյալները (ձեր
հասցեն եւ
հեռախոսահամ
արը):



Ձեզ լրացուցիչ հարցեր կտրվեն հետեւյալի
վերաբերյալ

- դուք եւ ձեր ընտանիքը
- ձեր երկիրը եւ այն վայրերը, որտեղ դուք
նախկինում ապրել եք
- ինչու՞ եք լքել ձեր երկիրը եւ ինչու՞ չեք
ուզում վերադառնալ
- ինչպե՞ս եք ճանապարհորդել դեպի
Գերմանիա



Հիշե՛ք:

Շատ կարելի որ է, որ դուք խոսեք ձեր խնամակալի հետ եւ համագործակցեք ապաստան տրամադրող մարմինների հետ:



Այն, ամենն ինչ, որ կպատմեք ձեր խնամակալին կամ պաշտոնյային, կմնա գաղտնի: Ձեր տրամադրած տեղեկությունները երբեք եւ որեւէ պարագայում չեն հասնի ձեր հայրենիքի իշխանություններին, կամ այն մարդկանց, ովքեր ձեզ համար սպառնալիք են ներկայացնում:




Ապաստանի դիմումի
քննության ընթացքում
կարո՞ղ եմ մնալ
Գերմանիայում:



Գրանցվելուց հետո իրավասու մարմինները
կորոշեն, թե որ երկիրն է քննելու ձեր
դիմումը: Դա կարող է լինել կա՛մ
Գերմանիան, կա՛մ եվրոպական այլ երկիր:
Դուք չեք կարող ինքնուրույն ընտրել
երկիրը, սակայն ձեր նախասիրությունները
հաշվի կառնվեն: Այս ընթացակարգը ձեզ
կպարզաբանվի պատասխանատու
մարմինների կողմից:

Գերմանիա

Մեկ այլ
Եվրոպական
երկիր





Գրանցման ընթացքում կարելու է, որ իշխանություններին տեղեկացնեք, եթե՝

- ունեք ընտանիքի անդամներ եվրոպական այլ երկրում,
- նախկինում ապաստան եք խնդրել եվրոպական այլ երկրում:

Եթե Եվրոպայում ունեք ընտանիք, պաշտոնյաներին հայտնեք ձեր ընտանիքի մասին բոլոր տեղեկությունները: Դա կարող է հնարավորություն տալ միանալու նրանց՝ կա մ այս երկրում, կա մ այն երկրում, որտեղ նրանք բնակվում են:

Եթե չգիտեք, թե որտեղ են ձեր հարազատները, կամ կորցրել եք կապը նրանց հետ, կարող եք դիմել ձեր խնամակալին՝ կամ ձեր ներկայացուցչին՝ կամ պատասխանատու պաշտոնյային՝ նրանց գտնելու հարցում օգնություն ստանալու համար:



Որո՞նք են հաջորդ քայլերը
գրանցումից եւ
տեղավորումից հետո:



Դիմումը ներկայացնելուց հետո ձեզ կտրվի
մի փաստաթուղթ, որը հաստատում է, որ
դուք ապաստան եք խնդրել: Այս
փաստաթուղթը կարելուք է, ուստի լավ
պահպանեք այն: Այն ձեզ հետ պահեք, երբ
լքում եք ձեր բնակության վայրը կամ
հանդիպում եք իշխանությունների հետ:



Ինչպե՞ս են պաշտոնյաները պարզելու իմ տարիքը:




Եթե չունեք ձեր տարիքը հաստատող փաստաթղթեր, եւ իշխանությունները կասկածում են, որ անչափահաս եք, ապաստանի հարցերով զբաղվող մարմինները կարող են նշանակել տարիքի գնահատման ընթացակարգ:

Տարիքը գնահատելու համար կարող են կիրառվել տարբեր մեթոդներ, օրինակ ուսումնասիրել ձեր ներկայացրած փաստաթղթերը, անցկացնել հարցազրույցներ պաշտոնյաների կամ այլ մասնագետների հետ:

Լուրջ կասկածների դեպքում ձեզ կարող են առաջարկել անցնել բժշկական գնություն, որի համար կպահանջվի ձեր, եւ ձեր խնամակալի գրավոր համաձայնությունը:

Եթե գնահատման արդյունքում պարզվի, որ դուք 18 տարեկանից բարձր եք, կհամարվեք չափահաս, ինչի վերաբերյալ կստանաք լրացուցիչ տեղեկատվություն:






Եթե իշխանությունները ենթադրեն,
որ ձեզ վնաս են պատճառել, ապա
կառաջարկեն անցնել բժշկական
զննություն: Դրա արդյունքները
հաշվի կառնվեն ձեր դիմումի
քննության ընթացքում:



Հարցազրույցի ընթացքում լիազորված անձը ձեզ կուղղի հարցեր ձեր անձնական տվյալների, ձեր երկիրը լքելու պատճառների եւ վերադառնալ չցանկանալու հանգամանքների վերաբերյալ: Իշխանությունների կողմից հրավեր ստանալու դեպքում ձեր ներկայությունը պարտադիր է: Դուք պետք է հնարավորինս մանրամասն ներկայացնեք ձեր իրավիճակը: Խնդրում ենք նկատի ունենալ, որ հարցազրույցը ձայնագրվելու է:




Ի՞նչ անել, եթե չես հասկանում պաշտոնյաների լեզուն:



Եթե դուք չեք հասկանում ապաստանի տրամադրման հարցերով զբաղվող աշխատակիցների լեզուն, թարգմանիչը, որը կարող է խոսել ձեր լեզվով, կօգնի ձեզ հասկանալ:

Թարգմանիչն այստեղ է միայն նրա համար, որ թարգմանի ձեր ասածը: Այն ամենն, ինչ կասեք գաղտնի կմնա:

Եթե ցանկանում եք, որ ձեզ հետ աշխատող մասնագետը կամ թարգմանիչը լինի կին կամ տղամարդ, կարող եք այդ մասին խնդրել: Մենք կփորձենք կատարել ձեր խնդրանքը: Խնդրում ենք հարցազրույցից առաջ հնարավորինս շուտ ասել ձեր պատասխանատուին, թե ում եք նախընտրում՝ կին, թե տղամարդ:




Որքա՞ն ժամանակ է տեւում ապաստանի դիմումի քննությունը:



Հարցազրույցից հետո ձեր ներկայացրած ողջ տեղեկատվությունը մանրամասն կուսումնասիրվի: Որոշման կայացման գործընթացը կարող է տեւել մինչեւ **6 ամիս** բնակության վայրի տրամադրման օրվանից սկսած: Որոշ դեպքերում այն կարող է ավելի երկար տեւել, սակայն չի գերազանցի **21 ամիսը**: Հասկանում ենք, որ սպասելը կարող է դժվար լինել, սակայն խնդրում ենք լինել համբերատար: Իշխանությունները ձգտում են կայացնել ձեզ համար լավագույն եւ արդար որոշումը:

Եթե սպասման ընթացքում որեւէ դժվարության հանդիպեք, կարող եք ցանկացած պահի դիմել ձեր խնամակալի օգնությանը:



Ընկերներիցս մեկը պատմեց, որ իր
ապաստանի դիմումը չեն ուզում նորից
դիտարկել: Ինչո՞ւ է այդպես լինում:



Իշխանությունները նախ
ստուգում են՝ արդյոք
անհրաժեշտ է քննարկել
ապաստանի դիմումը, թե ոչ:

Եթե պարզվի, որ դիմողը արդեն
ստացել է պաշտպանություն մեկ
այլ երկրում, կամ գալիս է
այնպիսի երկրից, որը
համարվում է անվտանգ,
իշխանությունները կարող են
որոշել չքննարկել դիմումը
ամբողջությամբ:



Ի՞նչ որոշում կատանամ:



Ապաստանի հարցերով
զբաղվող մարմինները
կորոշեն արդյոք դուք
ապաստանի կարիք ունեք,
թե՛ կան այլ տարբերակներ
ձեզ համար:

Որոշումը ձեզ կբացատրվի:



Եթե դուք ստանաք բացասական որոշում, եւ եթե դուք կամ
ձեր խնամակալը համաձայն չեք դրա հետ, կարող եք
որոշումը բողոքարկել դատարան: Այս գործընթացը
կոչվում է վերաքննիչ բողոք:




Ինչպե՞ս կարող եմ ստանալ
մանրամասն տեղեկատվություն
ապաստանի ընթացակարգի
վերաբերյալ:



Ապաստանի ընթացակարգի,
ինչպես նաեւ դրա շրջանակներում
ձեր իրավունքներին
պարտականությունների
վերաբերյալ պարզաբանումներ
ստանալու համար կարող եք դիմել
ոչ միայն ձեր խնամակալին, այլեւ
իրավաբանական
խորհրդատուներին: Նրանց հետ
կապ հաստատելու ուղիների
մասին տեղեկություն ստանալու
համար դիմե՛ք ձեր խնամակալին:



Եթե ցանկանում եք,
որ փաստաբանը
օգնի ձեզ, խոսեք ձեր
խնամակալի կամ
այլ պաշտոնյայի
հետ:





Փաստաբանը, ձեր
խնամակալի հետ
միասին, կարող է օգնել
ձեզ



պատրաստվել
իշխանությունների հետ
հարցազրույցին,



խոսել ապաստանի
պատասխանատուների
հետ,



հասկանալ ձեր ապաստանի դիմումի եւ բողոքարկման
վերաբերյալ որոշումը, եթե դուք կամ ձեր խնամակալը
համաձայն չեք որոշման հետ:



Ապաստանի տրամադրման ընթացակարգի ցանկացած փուլում կարող եք կապ հաստատել ՄԱԿ ՓԳՀ-ի հետ՝ աջակցություն և պաշտպանություն ստանալու համար: Մեր աշխատակիցները տեղեկատվություն և օգնություն են տրամադրում ապաստան հայցողներին և փախստականներին:

Լրացուցիչ մանրամասների համար այցելեք՝ <https://help.unhcr.org/>.




UNHCR
The UN Refugee Agency

Ու՞մ դիմել օգնության համար, եթե
ինձ լավ չեմ զգում կամ հաճախակի
անհանգստություն եմ ապրում:



Տեղեկացրեք ձեր խնամակալին, պաշտոնյային
կամ ձեր գտնվելու վայրում աշխատող
անձնակազմին, եթե



ինչ-որ մեկը
ձեզ
վիրավորել է,

դուք տխուր
եք,
զայրացած,
վախեցած եք
կամ
դժվարանում
եք քնել,

դուք ունեք որեւէ այլ
դժվարություն,
ինչպիսիք են
հաշմանդամությունը
կամ հիվանդությունը,
կամ եթե հղի եք:

Նման դեպքերում դուք կստանաք օգնություն:

Արդյո՞ք ես որեւէ պարտավորություններ ունեմ:



Այո:

Դուք պետք է հետեւեք այս երկրի օրենքներին եւ կանոններին:

Եթե կասկածներ ունեք կանոնների կամ օրենքների վերաբերյալ, հարցրեք ձեր խնամակալին:

Դուք պարտավոր եք մնալ ձեր խնամակալի կողմից նշված վայրում:

Իշխանությունները ձեզ համար կացարան են հատկացրել: Արգելվում է ինքնակամ լքել բնակավայրը կամ Գերմանիան առանց համապատասխան թույլտվության:

Անհրաժեշտ է համագործակցել պաշտոնատար անձանց հետ պատասխանելով նրանց հարցերին, եւ հետեւելով նրանց հրահանգներին:



Անկեղծ եղեք եւ
իշխանություններին
պատմեք այն ամենը, ինչ
գիտեք, երբ նրանք ձեզ
հարցեր են տալիս: Ձեր
ասածը շատ կարեւոր է ձեր
դիմումի համար: Դուք կարող
է ամեն ինչ չհիշեք եւ
չկարողանաք պատասխանել
բոլոր հարցերին: Եթե չեք
կարողանում հիշել, մի
հորինեք պատասխան, այլ
բացատրեք, որ չեք հիշում:

Դուք պետք է
մասնակցեք
իշխանությունների
հետ բոլոր
հանդիպումներին:
Այս
հանդիպումները
շատ կարեւոր են:
Դուք պետք է
ներկայանաք նշված
օրը եւ ժամին:





Ձեր կոնտակտային տվյալները պետք է ճիշտ լինեն

Որպեսզի բոլոր կարելու տեղեկությունների ու հանդիպումների մասին ծանուցումները հասնեն ձեզ, անհրաժեշտ է, որ իշխանություններին տրամադրեք ձեր հստակ հասցեն կամ հեռախոսահամարը:

Ձեր խնամակալը նույնպես կունենա այս տեղեկությունը և կկարողանա հիշեցնել ձեզ նշանակված հանդիպումների մասին: Եթե ձեր հասցեն կամ հեռախոսահամարը փոխվի, խնդրում ենք անմիջապես տեղեկացնել ձեր խնամակալին և ապաստանի հարցերով զբաղվող մասնագետներին: Շատ կարելու է, որ նրանք միշտ կարողանան կապ հաստատել ձեզ հետ:

Դուք պետք է իշխանություններին տրամադրեք ձեր ունեցած բոլոր փաստաթղթերը: Նրանց տրամադրեք ձեր ունեցած բոլոր փաստաթղթերը, որոնք վերաբերում են ձեզ և ձեր երկիրը լքելու պատճառներին: Դրանք ներառում են անձը հաստատող փաստաթղթեր (անձնագիր), ծննդյան կամ դպրոցական վկայական, բժշկական փաստաթուղթ, կամ այլ փաստաթղթեր: Դուք պետք է հնարավորինս շուտ ներկայացնեք բոլոր տեղեկություններն ու փաստաթղթերը: Եթե այս պահին փաստաթղթեր չունեք, կարող եք դրանք տրամադրել ավելի ուշ: Խոսեք ձեր խնամակալի հետ: Ձեր խնամակալը կարող է օգնել ձեզ ստանալ այդ փաստաթղթերը և ժամանակին տրամադրել դրանք իշխանություններին:

Եթե չեք կարողանում կատարել ձեր պարտավորությունները, անմիջապես տեղեկացրեք ձեր խնամակալին և ապաստանի գրասենյակի աշխատակիցներին, և բացատրեք պատճառը:



Ի՞նչ տեղի կունենա, եթե չկատարեն իմ պարտավորությունները:



Եթե դուք չկատարեք ձեր պարտավորությունները, դա կարող է բացասաբար անդրադառնալ ձեր դիմումի վրա: Դուք կարող եք զրկվել որոշ իրավունքներից եւ աջակցության ծառայություններից, որոնց մասին տեղեկացրել եմ նախկինում:



Ձեր՝ ապաստան ստանալու գործընթացը կարող է դադարեցվել կամ մերժվել, եթե դուք չկատարեք ձեր պարտավորությունները: Օրինակ, եթե դուք

- չպատասխանեք իշխանությունների հարցերին,
- թույլ չտաք վերցնել ձեր մատնահետքերը,
- առանց թույլտվության լքեք ձեր գտնվելու վայրը:

Նման դեպքերում իշխանությունները կեզրակացնեն, որ դուք լուրջ չեք վերաբերվում ձեր դիմումին: Արդյունքում, դուք կդադարեք համարվել դիմումատու, եւ կզրկվեք ձեզ տրամադրվող ողջ աջակցությունից:



Եթե դուք իշխանություններին
չհայտնեք ձեր, կամ ձեր
պատմության մասին
ճշմարտությունը, կամ եթե
թաքցնեք կարևոր
տեղեկություններ, կամ
դիտավորյալ ոչնչացնեք ձեր
փաստաթղթերը, ձեր դիմումը
կարող է մերժվել, եւ ձեզ կարող է
ապաստան չտրամադրվել:

Եթե իշխանությունները
հետազայում պարզեն, որ դուք
ճշմարտությունը չեք ասել
ապաստանի ընթացակարգի
ընթացքում, ապաստանը կարող
է զրկվել ձեզանից:





Եւ ձեզ ներկայացրեցի բոլոր անհրաժեշտ
տեղեկությունները: Ապաստանի հայցման
գործընթացի ընթացքում ձեր խնամակալը եւ
պատկան մարմինները կտրամադրեն լրացուցիչ
պարզաբանումներ:





Հիշե՛ք:

Ապաստան խնդրելն
անվճար է:






Զգույշ եղե՛ք

Զգուշություն դրսևորեք այն անձանց նկատմամբ, ովքեր օգնություն են առաջարկում որեւէ ծառայության կամ գումարի դիմաց, քանի որ նրանք կարող են ունենալ վնասակար մտադրություններ:




Եթե որեւէ մեկը ձեզ հորդորում է հեռանալ, հիշե՛ք, որ դա կարող է վտանգավոր լինել ձեր անվտանգության համար: Մի լքեք ձեր գտնվելու վայրը:






Եթե որեւէ մէկը փորձում է ձեզ համոզել կամ ստիպել անել այնպիսի բան, որը դուք չեք ցանկանում, կամ որը ձեզ սխալ է թվում, անհապաղ դիմեք ձեր խնամակալին կամ ձեր բնակության վայրի պատասխանատու անձանց:



Ի՞նչ անել, եթե ես որոշեմ
վերադառնալ հայրենիքս, եւ
կանգնեցնեմ իմ դիմումի
գործընթացը, ու մ դիմեմ
օգնության համար:



Եթե ցանկանում եք վերադառնալ ձեր հայրենիք եւ
դադարեցնել ձեր դիմումը, տեղեկացրեք ձեր
խնամակալին եւ իշխանություններին: Նրանք կարող
են օգնել ձեզ անվտանգ վերադառնալ:



Եթե ունեք լրացուցիչ հարցեր իմ
բացատրության վերաբերյալ, հարցրեք
ձեր խնամակալին, իշխանություններին
կամ ձեր գտնվելու վայրում աշխատող
անձնակազմին:



Սույն գրքույկը կրում է բացառապես տեղեկատվական բնույթ եւ ինքնին որեւէ իրավունք կամ պարտավորություն չի առաջացնում: Նյութի հիմնական մասը տրամադրել է Եվրոպական Միության ապաստանի գործակալությունը (ԵՄԱԱԳ): Այս գրքույկի վերարտադրությունն ու փոփոխումը ԵՄԱԱԳ-ի կողմից թույլատրվում է միայն ԵՄ անդամ պետություններին: ԵՄԱԱԳ-ն պատասխանատվություն չի կրում ԵՄ անդամ պետությունների կամ որեւէ այլ երրորդ կողմի կողմից տրամադրված՝ սույն գրքույկում տեղ գտած տեղեկատվության ճշգրտության, բովանդակության, ամբողջականության, օրինականության կամ հուսալիության համար: Ո՛չ ԵՄԱԱԳ-ն, ո՛չ էլ նրա անունից հանդես եկող որեւէ անձ պատասխանատու չէ այստեղ պարունակվող տեղեկատվության հնարավոր օգտագործման համար:

© Եվրոպական Միության ապաստանի
գործակալություն, 2025